

Okimake irini masinahikan

Ka kice tiperitak Kipek okimakewiniw ki tipatcimikowaw kitirisowanawariw otci.

Ki ka ki ia okimakanawaw?

Kitci ki okimakeekw, arimatc ki ka masinasonawaw okimake irini masinahikanik kaie arimatc misiwe anihi ki ka takickakonawaw:

1- Kitci 18 piponesiekw matci kaie awacamec; 2- Kanata askik kitci otciekw; 3- Kipek askik kitci tacikeekw esko niktowaso pisimwa.

Ki masinasonawaw a okimake irini masinahikanik?

Ki ka ki nanakatcitanawaw epitc masinasowekwen otitakowekwe kimikiwamiwak tipatcimo masinahikan.

Tan ke ki totamekw kitci ki masinasowekw okimake irini masinahikanik?

Arimatc ki ka icanawaw masinahikewokamikok ka ici meckotasinahitisonaniok kitci nta kokwetcikemowekw kitci masinasowekw kekotc kitci meckotasinawekw okimake irini masinahikanik. Kitcirowemakanawaw, kinapemiwaw, kitiskwemiwaw matci kaie awik ka witci tacikemitakw ki ka ki icitichawaw kitci atotekw.

Arimatc nicw karo ki ka wapatarowanawaw kecpin nta masinahotisowekwe, matci meka ki ka anawetakowinawaw.

Nictam masinahikan

Nictam masinahikan, kata masinatew e icinikasowekw acitc apitc ka nitawikiekw. **Mitowi:** Nitawiki masinahikaniwaw, akosi karo, Kanata karo(passeport).

Kotak masinahikan

Kotak masinahikan, kata masinatew e icinikasowekw acitc ite e tacikeekw. **Mitowi:** Miparitcike karo, takapikenikan masinahikan kekotc onimiskickoteapi masinahikan.

Tante e actek masinahikewokamikw ka ici meckotasinahitisonaniok?

Ite e ici actek, apitc kicikake acitc tato tipahikaneake ke cenikatek masinahikewokamikw ka ici meckotasinahitisonaniok, kata masinatew neta tipatcimo masinahikanik ke otitakowekw kimikiwamiwak.

Kata ia ni rikitakanion?

Acik i cwawaparin meckotasinahitisonawin, ki wi tca kokwetcikemonawaw kitci masinahotisowekw kekotc kitci meckotasinahitisonawekw okimake irini masinahikanik? Takapikenikekw okimake arotakan omasinahikewokamikok. Ki ka tipatcimikowinawaw apitc mia minawatc meckotasinahitisonaniok ke kirika ite ke ici icaekw. Ani tca apitc totcikateke, **wircike okimake iriniw** kata ki nataweritam kitci masinahawaniwitc.

KICTERITAKON : Ickwa acotasinahotisowekwe ani apitc, nama ki ka ki nikani okimakanawaw, patama mia okimake kicikake.

Tante acitc tan apitc ke ki okimakeekw?

Epwamacikice okimakanioke, ki ka otitakowinawaw karo kitci mikawasimikoekw tante kirika tan apitc ke ki okimakeekw. Kice okimake kicikake, ekoci icakw okimakeewokamikok, 9 tipahikan acitc apita e kicepawocik nac asko 8 tipahikan e otakocik. Matci ni kirika ki ka ki nikan okimakanawaw Ite e ici actek okimakeewokamikw, apitc kicikake kirika tato tipahikan ke cenikatek nikan okimakewin, kata masinatew neta tipatcimowinik ke otitakowekw kimikiwamiwak.

Ocki kekocic : 5 kiciko ki acotci actakanion kitci okimakanioke

Nama ia ki ka ki okimakanawaw okimake kicikake kekotc nikani okimakanioke ? 5 kiciko ki acotci actakanion kitci ki nta okimakeekw ite e ici acterik omasinahikewokamikom okimake arotakan.

Wi kiskeritamekwe kicikwa acitc tato tipahikan ke cenikatek okimakeewokamikwa, icakw neta nipamikicikwepatcikaninak kekotc takapikenikekw.

Tan ke totamekw e okimakeekw?

Nictam ke totamekw Okimake arotakanak kata nanakatcitawokw kiticinikasowiniwaw okimake irini masinahikanik.

2 ke totamekw Ki ka wiritisonawaw kirika ki ka wapatarowanawaw kikaromiwaw.

3 ke totamekw Ki ka mirokowiwanawaw kice okimake masinahikanicic.

4 ke totamekw Nakewar ki ka icanawaw kitci nta masinahwekw anaha ke kice okimakatekw. Tepirak peikw ki ka masinahwawaw masinahikanatikw ki ka totenawaw ke miritakw okimake arotakan.

5 ke totamekw E ickwa okimakeekw, ki ka koski kiwanawaw mitcisowakanik ite e ici apitcik okimake arotakanak.

6 ke totamekw Kirawaw tipirowe ki ka pitahenawaw okimake masinahikanicic pwetek.

Kicteritakon! Kitci ki okimakeekw, arimatc ki ka witenawaw e icinikasoe kw kitci wapatarowe kw anihe peikw masinahikan.

- 1_ Akosi karo;
- 2_ Miparitcike karo;
- 3_ Kanata karo(passeport);
- 4_ Nehirowisi karo;
- 5_ Cimaanici karo.

Nama ia ki kackitanawaw wiec kitci ki icaekw?

Kecpin aka kackitaekwen wiec kitci ki icaekw, matci e akosiekw, matci ni ki ka ki okimakanawaw kimikiwamiwak. Nihe otci, matci kata ki masinahomowakaniwiw okimake arotakan kokimake askiwak. Kecpin nataweritamekwe kimikiwamiwak kitci taci okimakeekw, ki ka ki nataweritenawaw tipatcimowin nete omasinahikewokamikok ka kice tiperitak okimakewiniw.

Awin ka wectatc kitci ki kice okimakanionik Kipek askik?

Enkona naha ka kice tiperitak Kipek kice okimakewiniw, pikan actew nihe masinahikewokamikw ka witcihitakw kitci itotiskeekw kokimakewiniwaw.

Warawik ia ki ici tacikanawaw ?

Pitoc ki ici oractakaniwon kice okimakewin warawik ka ici takoki nehirowisi otenawa.

Anihi tca ka ki ici oractakaniwoki, kitci ki ni miroparik :

- Nataweritcicateke meckotasinahitisowin mekwatc nihe totcicateke, matci kitci apatakipan takapikesinahikan ;
- Matci kitci nikani okimakaniok, masinahamatowin kitci apatakipan ;
- Matci kitci wiritisowekw, takapikesinahikan kitci apatcitaekw.

Pe takapikenamacinan kitci ki nanakatcitakaniok epitc kotenamiwaw itactekwen ani kitci ki ici oractatcicatek matci icakw nipamikicikwepatcikaninak neta tca kitci «Modalités pour les régions éloignées».

Takon ia kokwetcikemowin?

- Icakw neta nipamikicikopitcikaninak: www.elections.quebec.qc.ca.
- Takapikenamacinan aka wiec ka ici itakitakok: **1 888 ÉLECTION (1 888 353-2846)**.
- Masinahamacinan neta: info@electionsquebec.qc.ca.